

رُومی افسر نا ایمان

7¹ جیہڑے ویلے حضرت عیسیٰ اے ساریاں گلاں لوکاں کی بانیاں ختم کیتیاں، تے او کفرِ نَحوم شہر وچ تری گئے۔² اُتھے رُومی فوج نا اک افسر رٹنا سی۔ اُس نا اک نوکر سی جیہڑا اُس کی بھوں چنگا لغٹا سی۔ او نوکر سخت بیمار سی، تے موت نے قریب سی۔³ جیہڑے ویلے اُس افسر حضرت عیسیٰ نے بارے وچ گلاں سُنیاں، تے اُس بنی اسرائیلیاں نے کُجھ بڑے بڈیریاں کی التجا دیئی کہ حضرت عیسیٰ کول پہیجیا کہ او اچھی کے اُنہاں نے نوکرے کی شفا دیں۔⁴ او لوک حضرت عیسیٰ کول آئے، تے پُر زور التجا کیتی، ”مہربانی کری کے اُس واسطے کُجھ کرو۔ او چنگا بندہ آے۔⁵ کیئناکہ او ساڑی قوم نا بھوں ہمدرد آے۔ اُس آساں واسطے عبادت خانہ وی بٹوایا آے۔“⁶ حضرت عیسیٰ اُنہاں نال تری گئے۔

جیہڑے ویلے او اُس افسر نے کہرے کول پُہنچے، تے اگوں افسر نے پہیجے وے سنگی اے سنیہا ہٹی کے آئے کہ آساں نے سنگی صوبیدار آخٹے ان، ”حضور، میں اس

قابل ناں کہ تُساں مہاڑے کہہاں اچھو۔⁷ میں تے اِس قابل
وی ناں کہ آپوں تُساں کول اچھاں۔ اِس واسطے تُساں
اُتھوں ہی اپنی زبان مبارک نال آخی شوڑو، تے مہاڑے
نوکرے کی شِفا لہی جاسی۔⁸ کیئانکہ میں آپوں دُویاں
نے ماتحت آن، تے بعض فوجی مہاڑے ماتحت وی اِن۔
اِس واسطے جدوں میں کُسے کی حُکم دیاں کہ، 'تُوں
جا،' تے او ضرور جاٹا اے۔ کدے کُسے کی آخاں کہ،
'تُوں آ،' تے او لازمی اچھٹا اے۔ تے جس ویلے میں اپٹے
نوکرے کی آخاں کہ، 'اے کم کر،' تے او کرٹا اے۔"
⁹ حضرت عیسیٰ اے سٹی کے بہوں حیران ہوئی
گئے، تے اپٹے نال آلے لوکاں کی آخیا، "یقین کرو
کہ میں ایٹے جھیا پکا ایمان کُسے بنی اسرائیلی وچ
وی نی تکیا!"¹⁰ جیہڑے ویلے رومی فوجی افسر
نے پہیجے وے بندے مڑی کے کہہرے در گئے،
تے تکیا کہ او نوکر بلکل ٹھیک ہوئی گیا سی۔

حضرت عیسیٰ اک بیوہ مائی نے موئے ہوئے پترے کی ڈوئی واری زندہ کرنے ان

- 11 کجھ عرصے بعد حضرت عیسیٰ نائین شہر وچ گئے۔
انہاں نال صحابی تے کافی سارے ہور لوک وی سٹ۔
- 12 جیہڑے ویلے او شہر نے دروازے کول پُہنچے، تے
بہوں سارے لوک کُسے بندے نا جنازہ چائی کے باہر
پئے اچھٹے سٹ۔ او اپنی ماں نا کہلا پتر سی، تے اُس
نی ماں بیچاری بیوہ ہوئی وی سی۔¹³ اُس مائی کی تکی
کے حضرت عیسیٰ کی ترس آیا تے انہاں فرمایا، ”رو
ناں!“¹⁴ حضرت عیسیٰ اگے ہوئی گئے تے میت نی
کھٹے کی ہتھ مبارک لایا۔ لوک رُکی گئے، تے حضرت
عیسیٰ فرمایا، ”اے جوانا! میں تُکی آخٹا، اُٹھی جا!“
- 15 او بندہ اُٹھی کے بہی گیا، تے گلاں کرن لگا۔ حضرت
عیسیٰ اُس کی اُس نی ماں نے حوالے کری شوڑیا۔
- 16 سارے لوک حیران ہوئی گئے، تے اللہ تعالیٰ نی تعریف
کری کے آخٹ لغے، ”اللہ تعالیٰ آساں پر اپنی نظرِ کرم
کری شوڑی آے! اُس آساں پر اپنا نبی پہیجیا آے!“

17 حضرت عیسیٰ نی اے گل بنی اسرائیلیاں نے سارے ملخے وچ تے نال آلے علاقیاں وچ وی پھیلی گئی۔

حضرت یحییٰ نا سنیہا اٹنے آلے

18 حضرت یحییٰ نے صحابیاں حضرت عیسیٰ نیاں اے ساریاں گلاں جیل وچ اُنہاں تک پُہنچایاں۔

تے حضرت یحییٰ اُنہاں وچوں دواں صحابیاں کی بُلایا، 19 تے اُنہاں کی حضرت عیسیٰ کول اے گل پُچھنے واسطے پہیجیا کہ، ”اچھٹے آلے مسیح تُساں ہی او؟ یا آساں کُسے دُوئے نا انتظار کراں؟“

20 جیہڑے ویلے او حضرت عیسیٰ کول آئے، تے اُنہاں آخیا، ”حضرت یحییٰ آساں کی تُساں کول اے گل پُچھنے واسطے پہیجیا کہ، ’اچھٹے آلے مسیح تُساں ہی او؟ یا آساں کُسے دُوئے نا انتظار کراں؟‘“

21 حضرت عیسیٰ اُسے دوران بھوں سارے لوکاں کی مرضاں تے تکلیفاں تُوں شفا دتی، تے جنہاں وچ جنات سن اُنہاں کی وی چھٹکارہ دتا، تے بھوں سارے اُنہے

لوکاں کی اکھیاں نی لو وی دتی۔²² فر اُنہاں حضرت یحییٰ نے صحابیاں کی جواب دتا، ”جو کجھ تُساں تکیا ترے سُنیا اے، جائی کرے یحییٰ کی دَسو: ”اُنہیاں کی دِسٹ لغی پیا اے، لنگڑے ٹُرٹ پھرٹ لغی گئے اُن، کوپڑ نے مریض پاک ہوئی گئے اُن، ڈورے سُنٹ لغی پئے اُن، مُردیاں کی دوبارہ زندگی لبھی اے، ترے غریباں کی خوشی نی خبر سُنائی گئی اے۔“²³ خوش نصیب اُن او لوک جیہڑے مہاڑی وجہ تُوں ٹھوکر نی کھاٹے۔“²⁴ جیہڑے ویلے حضرت یحییٰ نے صحابی ٹُری گئے، ترے حضرت عیسیٰ لوکاں کی حضرت یحییٰ نے بارے وچ آخیا، ”تُساں بیابان وچ کرے تکٹے واسطے گئے سو؟ کسے ایسے جہے بندے کی جیہڑا چڑھے سُورج نی پوجا کرنا ہووے؟ بلکل ناں! ترے فر کرے تکٹے واسطے گئے او؟ سوہٹے سوہٹے، قیمتی کپڑے لائے وے بندے کی، ترے عیاشی کرنے آلے کی؟ ایسے جہے لوک ترے شاہی محلاں وچ رہتے اُن۔“²⁶ کدے ناں! ترے فر کرے تکٹے واسطے گئے سو؟ اک پیغمبر کی؟ ہاں، بیشک۔ بلکہ میں اے گل

آخساں کہ او بندہ پیغمبر تُوں بدی تے اے۔²⁷ حضرت یحییٰ او بندے اَنّ جنہاں نے بارے وچ کلامِ پاک وچ لِخیا وا، اے مہاڑا او پیغمبر اے جسی میں تہاڑے اگے پہیجساں۔ او تہاڑے اچھٹے تُوں پہلے تہاڑے واسطے راہ تیار کرسی۔²⁸ یاد رخو کہ دُنیا وچ آج تک جتنے انسان وی پیدا ہوئیں، اُنہاں وچوں حضرت یحییٰ تُوں بڑا درجہ کُسے نا وی نی۔ پر اُنہاں لوکاں نا درجہ جیہڑے مہاڑے اپر ایمان اُٹنے اَنّ، حضرت یحییٰ کولوں وی بڑا ہوسی۔“

²⁹ جیہڑے ویلے لوکاں، خاص کر ٹیکس کینہنے آلیاں، حضرت عیسیٰ نے وعظ سُنّے اُنہاں اللہ تعالیٰ نی گل کی سچا منیا، کیئانکہ اُنہاں حضرت یحییٰ کولوں پاک غُسل کروایا سی۔³⁰ پر فریسی فرقے آلیاں تے علماً شریعت حضرت یحییٰ کولوں پاک غُسل نی سی کروایا، اِسے واسطے اُنہاں اپنّے بارے وچ اللہ تعالیٰ نے مقصد کی رد کیتا۔³¹ فر حضرت عیسیٰ آخیا، ”میں اِس زمانے نیاں لوکاں نا کیہڑی چیز نال مقابلہ کراں؟³² اے اُنہاں

بچیاں نی طرح اٲ، جیہڑے بازارے وچ کھیرنے ویلے
 گروپ بٹائی کے اک ڈوئے اپر آوازاں کسٹے اٲ:
 آساں تُساں واسطے شادی بیاہ نے گیت گائے اٲ،
 پر تُساں کی کوئی خوشی نی ہوئی۔
 فر آساں تُساں واسطے بین وی کیتے اٲ،
 پر تُساں روئے نی او۔

33 کیئانکہ حضرت یحییٰ ناں تے بہوں زیادہ کھائے سن،
 تے ناں ہی انگوراں نی شراب پیٹے سن۔ تے تُساں آخٹے
 او، ’اس وچ کوئی جنّ آے‘۔³⁴ فر جیہڑے ویلے ابن
 انسان یعنی کہ میں اچھی کے روزہ ناں رخٹاں تے انگوراں
 نی شراب پیٹاں، تے تُساں آخٹے او، ’تکو! اے کھاؤ تے
 شرابی بندہ آے، محصول کہننے آلیاں تے ڈوئے غنہگاراں
 نا سنگی آے!‘³⁵ پر فر وی اللہ تعالیٰ نی حکمت ایمان آلے
 لوکاں نے ذریعے سچی ثابت ہوئی آے۔“

35.7 اصلی یونانی نے مطابق اس آیت نا مطلب اے، ”حکمت اٲے
 پھل توں ثابت ہوئی گئی آے۔“

اِکْ غُنْهَگَارِ عَوْرَتِ نَا بَخْشِیَا جَانَا

³⁶ فریسی فرقمے نرے اِکْ شَمْعُونِ نامی بندے حضرت عیسیٰ کی روٹی کھائے نی دعوت دتی، تے او اُس نرے کھار گئے۔ او کھاٹا کھائے واسطے دسترخوان پر بیٹھے وے سن، ³⁷ تے شہر نی اِکْ بدنام قسم نی جنائی آئی۔ اُس کی پتہ سی کہ حضرت عیسیٰ اُس فریسی بندے نرے کھار دعوت پر آئے وے اِن۔ او جنائی سنگِ مَرَمَرِ نی بوتلاں وچ بھوں ہی قیمتی عطر بائی کرے ہٹی آئی، ³⁸ تے حضرت عیسیٰ نرے پیراں کول کھلی کرے روٹ لگی۔ او اتنی روٹی کہ اُس نرے اَتھروئاں نال عیسیٰ نرے پیر مُبارک سِجی گئے۔ اے چیز تکی کرے جنائی اِپڑے بالاں نال اُنہاں نرے پیر پونجھے، تے پیراں پر چُمیاں دتیاں تے اُنہاں پر عطر لایا۔ ³⁹ جیہڑے ویلے اُس فریسی جس حضرت عیسیٰ کی کھائے نی دعوت دتی وی سی، اے گل تکی، تے اِپڑے دلے وچ آخیا، ”اگر اے بندہ سچا نبی ہونا، تے اِس کی پتہ لگی جانا چاہی نا سی کہ اے جنائی جیہڑی اُس کی ہتھ لائی پئی کتنی بدکار تے غنہگار اے!“

40 حضرت عیسیٰ اُس فریسی بندے کی آخیا،
”شمعون، مکی تہاڑے نال کُجھ گل کرنی آے۔“
اُس آخیا، ”ٹھیک اے حضور، فرماؤ!“

41 حضرت عیسیٰ اُس کی اک کہانی نے ذریعے مثال
دیئی کہ آخیا، ”کسے امیر بندے دواں بندیاں کی قرضہ
دتا سی، اک کی پنج سو دینار تے دُوئے کی پنجاہ دینار۔
42 قرض دار پیسے نال موڑی سکے، تے اُس امیر بندے اُنہاں
کی مُعاف کری شوڑیا۔ ہُن تُوں دس! اُنہاں دواں بندیاں
وچوں کیہڑا اُس امیر بندے نا زیادہ احسان مند ہوسی؟“

43 شمعون جواب دتا، ”مہاڑا خیال آے،
جسی اُس زیادہ مُعاف کیتا آے۔“

حضرت عیسیٰ فرمایا، ”تُوں صحیح آخیا اے!“

44 فر او جنائی دَر مُڑے، تے شمعون کی آخیا، ”تُوں اِس
جنائی کی تکیا؟ جیہڑے ویلے میں تہاڑے کہار آیا ساں،
تے تُوں مہاڑی خاطر داری واسطے پاٹیئے نال پیر تھوڑے نی
رسم پوری نی کیتی۔ پر اِس جنائی اپنے اتھرواں نال مہاڑے
پیر سیڑی کے اپنے بالاں نال پونجھے اُن۔“ 45 تُوں مہاڑے

اگر اچھی کرے مکی نی چومیا۔ پر اس جناٹی جس ویلے
 تُوں میں آیاں، مہاڑے پیر نی چھوڑے، تے انہاں کی
 چومٹی پئی آے۔⁴⁶ تُوں تے مہاڑے سرے واسطے تیل
 وی نی دتا۔ پر اس جناٹی مہاڑے پیراں اپری عطر لایا
 آے۔⁴⁷ اس واسطے میں تُکی دسٹا آں کہ اس جناٹی نی
 اتنی زیادہ محبت، اے ثابت کرنی آے کہ اس نے بہوں
 سارے غناہ معاف کیتے گئے اُن۔ پر جس نے تھوڑے
 غناہ مُعاف ہوئے اُن، او محبت وی تھوڑی کرنا آے۔“
⁴⁸ فر حضرت عیسیٰ اُس جناٹی کی آخیا،
 ”تہاڑے غناہ مُعاف ہوئی گئے اُن۔“

⁴⁹ دُوئے مہمان جیہڑے اُتھے دعوت وچ آئے وے
 سن، اک دُوئے کی آخٹ لغے، ”اے کُن آے، جیہڑا
 لوکاں نے غناہ مُعاف کرنا آے؟“⁵⁰ پر حضرت عیسیٰ
 اُس جناٹی کی آخیا، ”بے فکر ہوئی کرے کہرے در
 جا! تُوں اپنے ایمان نی وجہ تُوں بچی گئی ایں۔“

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تسان نال گل
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>